



DEPUTACIÓN PROVINCIAL DE OURENSE REXISTRO XERAL	
29 MAR 2016	
N.º ENTRADA 988	N.º SAIDA

Grupo Provincial Socialista

Rúa Progreso, 32 – 2º andar

32003 Ourense

Tlf. 988 385 203 Tlf/Fax. 988 385 178

JOSÉ IGNACIO GÓMEZ PÉREZ, deputado e portavoz provincial do **GRUPO SOCIALISTA** da Deputación de Ourense, en base ó previsto na Lei de Bases Reguladora do Réxime Local, ó artigo 91 e 97, entre outros, do R.O.F. e o Regulamento da Corporación presenta unha **MOCIÓN SOBRE A REDE VIARIA PROVINCIAL DAÑADA POLAS OBRAS DE ALTA VELOCIDADE FERROVIARIA**, que espera sexa admitida pola vía de urxencia en base á seguinte:

EXPOSICIÓN DE MOTIVOS

A rede viaria provincial da que é titular a Deputación de Ourense forma unha rede fundamental na estrutura de comunicación dos concellos e parroquias da nosa provincia.

Nun territorio de natureza rural, con moitas entidades de poboación, é imprescindible manter unhas condicións adecuadas destas infraestruturas para permitir a nosa vida económica e unhas mínimas oportunidades de desenvolvemento.

A rede viaria provincial que conta con 262 estradas e 1.842 km de recorrido supón unha das principais obrigas que ten que atender esta institución: manter nas condicións axeitadas de seguridade e actualizar estas estradas a novas demandas e necesidades é unha obriga que esta Deputación non atende satisfactoriamente. Con frecuencia moitas actuacións de melloras no trazado eliminando curvas ou ancheando a vía quedan sen rematar por anos.

A execución das obras da alta velocidade ferroviaria afecta a moitas das estradas desta rede viaria provincial que ten que ser utilizada polas empresas construtoras. Esta utilización masiva de vehículos pesados e outra maquinaria está estragando estas infraestruturas e priva a veciños e empresas das poboacións afectadas de condicións axeitadas de seguridade para a vida nas comarcas afectadas.

O estado de uso adecuado destas vías provinciais de forma permanente ten que estar garantido mentres se desenvolvan os traballos polas empresas. Ademais deben tomarse medidas para evitar o risco de que as empresas unha vez rematadas as obras non realicen as reparacións que proceda esixir, tal como se deixou entrever en días pasados.



Grupo Provincial Socialista
Rúa Progreso, 32 – 2º andar
32003 Ourense
Tlf. 988 385 203 Tlf/Fax. 988 385 178

Por todo o exposto anteriormente o Grupo Provincial Socialista somete a debate polo Pleno e aprobación a seguinte,

PROPOSTA DE ACORDO:

A Deputación Provincial de Ourense insta ó Ministerio de Fomento

1. A que tome todas as medidas para que as estradas da Rede Viaria Provincial se manteñan nas condicións adecuadas de uso e seguridade mentres duren as obras de construción da alta velocidade ferroviaria.
2. A que unha vez se vaia deixando de traballar nos diferentes tramos se vaian executando as melloras nas estradas utilizadas polas empresas construtoras conforme ós requerimentos feitos polos servizos técnicos desta institución.
3. A que se poña en marcha unha Comisión Técnica de seguimento do estado e actuacións a levar a cabo na rede viaria provincial afectada con representantes do Ministerio de Fomento e da Deputación Provincial.
4. A que se teñan en conta as mesmas medidas polo que respecta a Rede Viaria Local dos diferentes Concellos afectados.

En Ourense a 28 de Marzo de 2016

SR. PRESIDENTE DA DEPUTACIÓN PROVINCIAL DE OURENSE

email: gruposocialista@depourense.es
facebook: [gruposocialista.depourense](https://www.facebook.com/gruposocialista.depourense)
twitter: [SocialistaDepou](https://twitter.com/SocialistaDepou)